



## Universitätsbibliothek Paderborn

**R. P. Lucae Pinelli Societatis Jesu Theologi, De  
Perfectione Religiosa, Et Obligatione, Qvam Qvisque  
Religiosus ad eam consequendam habet. Libri Quatvor**

**Pinelli, Luca**

**Mogvntiae, 1604**

XXV. De primo Obedientiæ gradu, qui consistit in executione.

[urn:nbn:de:hbz:466:1-46699](#)

declarat se nec boni subditi officium prä-  
stare.

*De primo obedientiæ gradu, qui con-  
sistit in executione.*

### CAPUT XXV.

FILI, non arbitreris te multum prästitif-  
se, si quando executus fueris superioris  
mandatum: hic enim infimus obedientiæ  
gradus est, & omni subditorū generi com-  
munis, siue sint mancipia, siue serui. Immò  
deprehenditur quoque in animalibus bru-  
tis, quæ vadunt, quocunque dux ea perdu-  
xerit, & faciunt, quicquid libuerit ei qui eo-  
rum curam gerit. Miser religiosus est, qui  
dum non paret superioris voluntati, minus  
facit, quam animalia bruta. Quamvis au-  
tem hic primus Obedientiæ gradus, qui cō-  
sistit in executione eius quod mandatur ex  
se sit infimus, tamen si, quemadmodū con-  
uenit, seruetur, mihi est pergratus. Obediē-  
tiā meā, quam Patri cœlesti p̄estiti qua-  
tuor conditiones gratiorem reddiderunt.  
Promptitudo, integritas, fortitudo & perse-  
uerantia. Eadem acceptam reddunt obe-  
dientiā religiosi, & hoc faciliores sunt, quod  
ex voluntate ad me imitandum cupido  
proueniunt.

Q5

Obe-

Obedientiam non præstare celeriter & cum promptitudine, defectus est, qui mihi non parum displaceat. Qui si nascitur ex voluntate frigida & languida, hoc displaceat magis, quia effectus est nialis, & causa peior. Cui tempus est prestande obedientiae, & præstare differt, temporis iacturam facit, & se in periculum coniicit, ne mandatum exequatur. Si vero religiosus differt obedire, eò quod in sua aliqua re particulari sit occupatus plus mihi displaceat, quoniam se negotiaque sua anteponit negotiis Superioris. Verus obediens, ut perfectè obediat, negotia sua inchoata & imperfecta relinquit. O quantoperè mihi placent religiosi, qui etiam signo dato ad agendum aliquid quod regula vel Superior præscripsit, etiam piis operibus desertis, continuò aduolant. Imò singularem apud me sibi gratiam conciliant, si ut obedientiam præstent, colloquium etiam mecum in oratione inchoatum interrumpant. Expende tu modo, quam exiguum apud me gratiam ineant, qui amore proprio excæcati, ne suis vel commodis, vel recreationibus destituantur lenti sunt & tardi in opere perficiendo, quod à Superiore iniungitur. Plus vero offendor, si cunctatione eadem

vran.

vtantur, dum ad orationem, aliauè exerci-  
tia spiritualia campanâ signū datur. O quan-  
tum sibi nocent & commuuitati huiusmo-  
di, maximè quando notatum est eosdem.  
dum ad res corpori commodas, vt cibum,  
potum, recreaciones vocantur, nihil cun-  
ctari, esse impigros & promptos. Eos sanè  
præstaret, nunquam prodire in publicum,  
nam vbi iusta causa non occurrit eos pur-  
gandi, ibi manifestum datur scandalum.  
Qui ob crimina sua triremibus sunt addi-  
&i, tam prompti & expediti sunt ad obse-  
quendum, vt vix signo dato res iam perfe-  
cta sit. Imò sic ad exequendum sunt cele-  
res, vt dum rem agunt, vociferentur eam  
peractam. Et quanquam flagrorum metu  
tam diligentes sint & impigri, amor tamen  
diuinus promptiores in hoc genere reddere  
deberet religiosos, quippe cum amor fortior  
& efficacior sit metu. Neq; id solùm ap-  
paret in triremibus, in quibus cernere est  
catenas, & nautas scuticis armatos, sed eti-  
am in magnorum Dominorum aulis. Que-  
ro enim, quid reddit famulos ad Dominor-  
um vocem tam alacres & expeditos? An  
spes mercedis? at ea copiosior est apud me.  
an amor quo dominum suum complectun-  
tur? at longè ardentior amor mihi debetur.

nam

nam bonitas, quæ amoris causa est, longè  
est in me excellentior, & præmium quod à  
me expectatur, est sine comparatione ma-  
ius. Tarditas certè religiosorum omnis ori-  
tur ex defectu amoris. Si subditi impensius  
affecti essent ad superiorem, diligentiores  
quoque forent in obedientia exequenda.  
Quo in genere, filij huius lucis prudentio-  
res, promptioresque sunt filiis lucis.

ALTERA conditio est, ut obedientia sit  
integra eiusmodi enim mea fuit obedien-  
tia. Religiosis certè satis esse deberet ad in-  
tegritatem hanc amandam, si perspectum  
habeant, hanc meam esse voluntatem, &  
talem esse Superioris intentionem, ut inte-  
grè imperata præstentur. Sunt qui tantum  
parati sint obsequi in rebus magni momé-  
ti, non item in paruis. Aliis verò videtur sa-  
tis, si partem earum rerum, quæ à Superiori  
præscribuntur, perficiant, prætermisis reli-  
quis. Ego sanè ignoro, quis eos iudices vel  
interpretes obedientiæ fecerit. Nec sat scio,  
vndè illi didicerint, non esse necessarium o-  
mnibus Superiorum decretis, vel mandatis  
parere. Dicant quæsō, quando votum edi-  
dere obedientiæ, cogitarintnè obediendum  
esse in omnibus, an in aliquibus tantùm? an  
intellexerint semper obediendum, an tantū  
breui

breui tempore? Et vt intellexerint non in omnibus, & certo tempore tantum obsequēdum, quis tale votum acceptauit? Ego non dimidiatæ, sed integræ obedientiæ votū acceptau. Si famulus aliquis partem tantum eorum quæ à Domino imperata sibi forent, exequeretur, cum posset totum, non diu retineretur in domo, & vt retineretur, in ratione reddenda facilè appareret, vter alteri aliquid deberet, famulusnè Domino, an cōtra? Non mercede, sed pœna dignus est, qui non seruit ad voluntatem Domini. Multi in religione degunt, cum quibus ratio inibitur tandem in fine, & tunc intelligetur, mereantur nè præmium an pœnam, qui integrā obedientiam non præstiterunt.

TERTIA conditio est, vt obedientia fiat cum fortitudine. Non mihi placet religiosus, qui demonstrat fortitudinem animi in obediendo, dum imperantur facilia, aut libenter obedit, dum prosperè res eunt, & Superior iubet ea, quæ arrident palato. Non est hæc vera fortitudo, nec fortis obediens hac via rectè probatur. Vento prospero flante, qualibet naui nauigatur, & via plana quilibet etiam infirmus iter facit. Fortitudo obedientis cognoscitur in rebus arduis & difficilibus, vt quando perferenda incom-

incommoda, & dolores, ut cum afflictiones  
occurrentes non retardant ab obedientia  
præstanda, cum in vincendis difficultatibus  
animus erigitur. O quam insipienter agis  
fili, dum , ne crebrius aliquid tibi impere-  
tur, difficilem te demonstras in exequenda  
obedientia, ea opinione deceptus , grauari  
solere pluribus officiis & laboribus, qui  
semper se promptū & facilem in obsequen-  
do declarat. Quid enim hoc aliud est, quam  
accusare Superiorem indiscretionis & im-  
prudentiæ ? quam repellere à se locuple-  
tissimam coronam ? Si tibi impertio sani-  
tatem & vires ad tolerandos labores, cur  
eos tantoperè reformidas ? An ignoras tu,  
quo plus augetur labor , magis augeri me-  
ritum ? cur ergò finis te vinci ab ignauia ?  
Non est hæc fortitudo , sed malitiosa incu-  
ria. Non sic ego feci, qui cum possem  
te ad salutem perducere per media facilia,  
tamen ob maius commodum tuum elegi  
difficillima , vti fuit mors in flore iuuentu-  
ris ; nec elegi quamlibet mortem, sed igno-  
miniosam & acerbam , quam scilicet tot  
tamque dira tormenta non solùm contu-  
meliosa, sed etiam atrocia antecesserunt.

QVARTA conditio est Perseuerantia,  
quæ si desit, nulla obtinetur corona, nul-  
lum

lum est obedientiæ meritum. Ego viam  
Obedientiæ decurri vsque ad mortem, o-  
mnibus difficultatibus & impedimentis  
contemptis & remotis, quæ in via occurre-  
runt. Apostoli mei quoque in obseruatione  
præceptorum meorum in finem vsque vitæ  
perfisterunt. Itaque qui ob inconstantiam,  
vel commodum aliquod suum, aut alium  
respectum humanum neglit obedienciam  
præstare, meus discipulus non est. Incipere,  
& postea citra iustum causam non exe-  
qui obedientiam, puerorum est, non reli-  
giosorum.

*De secundo gradu obedientiæ, qui per-  
tinet ad voluntatem.*

### C A P V T XXVI.

**F**ILI, voluntas tua est potentia cæca. tu  
quœq; sœpè passionibus tuis excæcaris,  
quare non potes esse dux illius, ne ambo in  
foueā cadatis. Necesse est igitur, ut mihi in-  
nitatur, eiq; qui locum meum in gubernâ-  
do sustinet. Atq; hoc exigit secundus Obe-  
dientiæ gradus: nēpè, ut non modo tuā vo-  
lūtate subiicias Superioris volūtati, eiq; tuā  
conformes, sed ut illius voluntatē facias tuā;  
quod consequere, si Superioris voluntatem  
animas.